


05218

甌香館集卷七



武進惲格著
海昌蔣光煦輯

題王奉常山水

共說癡翁是後身長綃零亂墨華新
蟻觀一世操觚客虎視千秋繪苑人

先生於宋元諸家無不精研兼擅尤於癡翁稱出藍妙手

飲顓菴太史拙修堂感舊

孤踪海國為依劉對酒難消此夜愁
最是西州重過客庭花猶是去年秋

石畔紅薇落酒卮女牆殘月上花遲
欲知太史占星處正是西齋夜語時

甌香館集卷七

一 剛下齋校本

客路悲秋白髮新虛堂燈火話窮塵
醉中忽記傷心事不忍當筵問主人

未許當時一座傾秋來花外少啼鶯
恐將北海樽前句都作山陽笛裏聲

歲寒三友圖

芳蕤凝翠朱實金英煜如蒸霞爛
若華星寒香不凋絳雪常盈

牡丹

五花驄馬七香車去看春風第一花
十里紅塵三月暮朱欄翠幕是誰家

讀易向山圖

竹雨谿上來松風衣畔過中有讀易人橫琴向山坐
題畫祝君陽先生七十壽

玉珮蓮星出絳帷板輿張宴北堂時花前笑進流霞酌
更捧紅雲五色芝

桃花

絲絲暖雨歇春朝雲壓紅流落礪橋欲覓桃花無路入
卻聞風度玉人簫

題王奉常遺墨

蒲綠天中醉玉觴蜀葵花似美人妝墨花自得淋漓趣
不數包山與白陽

畫竹

甌香館集卷七

二 別下齋校本

寒窗畫竹兩三枝筆勢參差手不知還憶去年今日事
掃華巷內雨絲絲

臨文待詔仙桂新枝圖和原韻

薇垣簪筆待仙郎初聽雲璈醉錦堂無數綵霞騎鳳下
月中先折一枝香

贈友

黃鵠辭海曲翱翔南山顛中路失其羣徘徊江漢間寥
廓一以下羅罟將在前四顧動哀鳴聲激青雲端野田
有雌雉毛羽一何鮮雄鳩班班鳴啁啾集平原微物尚
有適雲翻誰爲憐延頸望四海遠道良苦艱啄飲豈不
娛要非心所安肯將干霄姿凡鳥同飛翻願乘東南風

奮翼與俱還

畫江山

驅毫染嵐烟疑暉澹將夕高鐘出翠微江聲破晴碧穿
嶺度金光嵌空無鳥迹一角萬景變靈氣紛絡驛哲匠
企來今揮斤如在昔島影懸微芒崩灘綴林隙悠然來
江風帆影度咫尺吳雲不可見悵望還山客

別久相見執雲卿手而問之君負伊蒿之痛我抱
羸博之慘異地同時把袂驚呼至於離索契闊
之感又無論已

袖裏三年信同懸千里思偏君哀母日正我哭兒時舊
物青瑣在新愁白髮知神傷轉無淚相見一低眉

甌香館集卷七

三 別下齋校本

醉歌吟贈黃海程穆倩

客衣夜冷秋風發閒花滿地秋濤沒廿四橋邊無美人
玉簫聲與涼雲結我望青天不見月游子今宵生白髮
吁嗟程夫子豪宕高陽徒得錢每沽酒輒履來相呼紅
蕉花底傾玉壺尊前感恩皆狗屠奏刀晝然天雨粟鍊
石欲使神靈趨六書奧府開榛蕪抽毫蒼史爲先驅吁
嗟程夫子胸中感慨何時無一身藏命因鉤黨千古傷
心聽螻蛄銅駝金秋不能語江山淚盡延秋烏於今老
作諸侯客還似歌薇一餓夫腰下猶存玉轆轤席間尙
有紅氍毹醉後放歌小天地悲來浩氣傾江湖蒼茫四
壁君何有徒以千金享敝帚禽蟲託諷聊自壽仙人玩

世還稱垢楊黃舊事關心久

程君為機部石齋兩先生門下士

九辯哀

師時在口我亦江城失職人聽雞夜舞頻呼友我飲不

能盡一斗君呼烏烏我擊缶停歌顧我且勿憂明朝尚

有盈樽酒

題錢子釣舫圖

厭殺還山聽蟋蟀自將蓑笠臥菰蘆客星天上無尋處

笑把漁竿入畫圖

物外誰同汗漫遊荻風飛雪半天秋於今何處浮漁艇

夜雨篷窗夢十洲

題石谷子畫水竹幽居圖贈江上翁

看泉身似未離山柳路斜通竹澗灣一片微茫寒翠合

甌香館集卷七

四別下齋校本

此中風月異人間

柴門臨澗板橋西千尺琅玕翠欲迷我自草堂無怨鶴

不須珠樹借鸞棲

輓使君羅公

白楊何處望孤邱早見乘箕天上游未得脫驂為賻贈

幾時懸劍上松楸一官落拓揚雄老九辯蕭條宋玉愁

仙吏風流應未已鳳毛文采滿西州

送葉畫師游江左

陌上桑葉青樹頭春雲白游人三月臥江城卻向城西

送江客百舌啼殘春又半青驄嘶入桃花岸莫上紅橋

望遠人芳艸如烟柳絲亂書去家山旅夢寒馬頭天澗

吳雲斷紫綈裘白氎巾杜鵑風吹車輪將軍掩障精入
神鸞手校尉非其倫阿堵故奇物豈貌尋常人仲堪輕
雲白瀟灑幼輿邱壑何嶙峋鯉魚噴浪急浦口江湖滿
嬌鳥散華林駝背吹蘆管蒯緱歌莫緩懷刺休辭遠東
道主人稱好奇躡珠且入平原館

送彥吉之鄧州

亂柳送客路芙蓉照客纓孫楚賦秋草鳳絃語淒清車
塵遙遙雁隱隱棘陽秋影懸烟城荻花風起吹行鷁月
明初聽關山笛珠露璿霜灑蘭野紅袖畫衣覆車壁我
在蘭臯方灌園誰從馬首歌三疊梧葉黃楓林紫夢隔
天江路千里楊絲難綰將別衣并刀不剪相思水魚龍
甌香館集卷七

五別下齋校本

夜浦銀濤落黑貂犯曉西風薄天寒驪馬正驕嘶踏盡
秋雲入西洛

蒲塘真趣

此幅在東臯池上醉後抹塗殘荷離披蘆草交橫略得寒汀寂寞之致

金粉散蒲塘露壓雲衣綠殘葉破秋風驚起鴛鴦宿

題石谷寫唐解元詩意

谿亭竹路曉烟平雲壁峻嶒翠削成知是深崖秋雨後
滿林殘葉亂泉聲

擬宋人沒骨桃花

碧落銖衣原縹渺夢中秦洞自峻嶒于今何處浮漁艇
空對千花憶武陵

陸天游小景

峻嶒鬼斧何年鑿忽有靈烟開半壑松頭月落過寒山
夜鳴驚起巢中鶴

客深柳谿堂觀石谷子做癡翁小景致佳因題

逸趣飛翔意匠新一峯圖裏夢前身愛他溼翠橫高嶺
石壁浮嵐共結鄰

春游曲

同斐東諸子南
溪看梅歸作

谿路聯鑣望翠微輕寒花氣上春衣過橋南岸尋春去
踏遍梅花帶月歸

霜皮雪榦玉玲瓏夜月花谿一笛風片片銀雲吹不散
美人知在有無中

何須珠樹訪丹邱莫問南枝舊隴頭爲語春游車馬客

甌香館集卷七

六別下齋校本

花谿古渡是羅浮

海潮春浦白雲房千樹霜華帶夕陽滿路東風歸去晚
落花都染馬蹄香

正是浮家西去時瓊柯回首一相思他年春水青油舫
重訪孤山伴鶴枝

元人小景

烟叢亂草經秋綠風竹寒聲靜夜聞閒掃青谿一石磴
坐看霜樹拂高雲

失題

韻如溫玉氣如蘭別後春風幾度看此際含情無一語
淡烟疎雨夜憑闌

秋花折枝

霜滿籬邊色花開研北枝紅羅看豔舞把酒對瑤姬

游仙詩

何處騎鸞素女還綠雲飄渺望神山瑤琴一奏成蓮曲
身在閩風淺水間

杏花扇子

梅翁游山左從婁東來過余言別
出扇索畫杏花一枝并占二詩

東下蒲帆帶落霞北林來訪舊山家停船話別匆匆去

紈扇留教寫杏花

烟條露萼染紅姿愛我臨風寫一枝今日贈君千里別

杏花時節倍相思

戲學米虎兒雲山圖

甌香館集卷七

七 別下齋校本

雲過樹無痕忽見翠微濕初從滄洲來又向丹崖入

烟柳江邨

麥畦桑火過春蠶沙渚人家隱翠嵐紫燕寒潮三月雨

綠楊烟裏是江南

到處春城響杜鵑隋堤非復舊風烟只今何地容漁艇

尺幅雲烟望渺然

畫梅

逃禪老人畫梅脫盡甜熟畦徑霜枝鐵幹玉
面鼠須寄情寂寞之濱高峴風塵之表正非
能擬議

凡筆所

亭亭玉立歲寒身回首千花總後塵誰伴白雲來樹下

看花不是種花人

黃花秋菘

圃花閒更好露甲曉逾青長教無菜色原不羨侯鯖

墨梅

琉璃研匣冷金池雪壓松窗獨坐時只有東風憐寂寞
墨花疎影綴南枝

正月廿九夜作

板橋枯柳草堂開谿畔山僮報客來同坐寒烟松竹裏
雪中煮酒看庭梅

題石谷畫

拂黛羅青山鬼知春風不動岫雲遲藤花細落松聲起
洗耳清泉獨坐時

王山人山居圖

甌香館集卷七

入別下齋校本

濕翠如烟出研池此中靜氣有誰知含毫得意應思我
燭跋西窗夜語時

靈想雲邊磻路通問津何必待花紅細看墨雨淋漓處
身在千巖空翠中

鄧尉探梅作

湖山香霧透寒空尙滯遊人花外驄寄語山靈須待我
莫教開落任東風

晴烟春暗采香涇飄渺湖光望洞庭吹徧好風千樹雪
曉來失却萬山青

香破寒梢未解冰詩成嵐霧滿行簷銀雲香海看無際
身在寒山第幾層

對酒還應看翠微送寒猶未換春衣孤遊遠作江南客
不看梅花定不歸

吳紈點粉入空濛更著雲嵐破墨濃明日篷窗重展看
始知身在畫圖中

停舟催我看花圖吟過蘇臺興未孤踏徧落梅春欲盡
又隨明月到西湖

贈王雲客并呈令嗣石谷長兄

春風驅萬木浩然神襟開清雪照山閣古香含珠胎芝
艸凝衆芳誰能掩蒿萊瓊樹綴高柯嗟峨倚蒼苔錦
故家珍珪組等風埃半壁覆雲衣五色亂相吹拂拭光
憑陵旖旎復衰衰嵐影墜元酒微風動金杯散髮弄海

甌香館集卷七

九別下齋校本

雲况見金銀臺滄洲在君指紅泉泛庭隈吹簫招洪厓
宛宛赤螭來元氣紛盤迴華鬢方嬰孩

石谷米山

米襄陽墨戲一正千古畫家謬習觀其
高自標置謂無一點吳生習氣蓋唐人

畫法至宋乃暢米家父子又一變耳石谷子深
得墨戲三昧故於米家雲山煥若神明洗盡時
人畦

斷崖殘雨響潺湲濕翠瀾漫雲海間米家墨戲淋漓處
只有瀟湘雨後山

疎篁石瀨

竹外泉聲合秋空山影寒黃陵泊舟處愁下鷓鴣灘

茂林疊嶂

芙蓉天半冷春陰濕翠橫空千樹林過橋路向青谿轉

入此雲崖幾許深

林巒曉色

巨公神氣沈鬱蒼然有太古之風時史仿學未易涉其涯浚吾友石谷子殆藝游而至者乎觀此圖蓋無前後之殊矣

淋漓殘墨巨公圖視北森寒山鬼趨獨向毫端窺祕趣
續林如草笑人無

仙山圖曲

設色淡冷氣韻沈深樓閣不爲界畫益饒古趣兼伯駒鷗波之勝極人間奇麗之觀余因製仙山圖曲贊嘆希有

碧樹不爲霜翠壁無纖埃穹洞杳深曲靈厓鬱崔嵬
風鼓瑤海層濤相喧逐五城麗崇標爛如丹霞開縹渺
見仙靈升降金銀臺玉女駕飛鶴封子御奔雷彷彿夫
容裳華蓋隨風迴八窗敞瑤井烟路迴岩隈赤松發金

甌香館集卷七

十別下齋校本

簡洪厓揮玉杯神山不可見漢武非仙才鍊氣養谷神
何地無蓬萊海圖在半壁三露合珠胎隱隱聞吹笙聯
翩青鳥來從茲採石華乘風戲九垓

石谷萬山烟靄

鳥目山人仿北苑萬山烟靄巒壑鬱密林木深杳有雲迷霧合猿啼豹嘯之致其行筆鬱勃鋒勢墨光淋漓一片化工靈氣無迹象可尋米南宮晚有羲之鬼石谷能起董源於指下昔人云恨我不見古人又恨古人不見我嗚呼天下畫家者流何啻相去萬里

聽泉在隱几游山不出戶莫卷入縹囊看爾生烟霧
浩劫觀人世丹梯未可攀何從賦招隱視北有名山
嵐氣生曉寒猿鳥窺清晝悠然見白雲白雲在襟袖
耕鑿在鴻濛人猶太古風千谿迴合處茅屋亂山中
天機發靜趣靈境出無心停弦聽清籟聲不在瑤琴

觀耕烟王子贈王異公做北苑萬山烟霽卷八

有見名畫則不心愛者然求其愛而能知
焉而能辨則鮮矣古來精賞鑒者類皆好學
深思諳於筆墨之人否則唯唯諾諾皆門外
漢耳余觀耕烟此卷雖法董源而運腕潏墨
盡屬化工非追蹤泥跡者所敢比數宜異公
先生實而藏之異公素精書畫家學淵源於
此中知之最深辨之宛陵梅清淵公
最妙故愛之最切也

滿眼烟嵐手自攜看山人與寫山期君家妙手原無敵何必前身畫師

曲磻平橋浦漱明亂山深翠曉雲生并刀誰剪吳江

水散入空濛作雨聲正為石谷題此圖山樓風雨驟至雲氣蒸蒸出几案間如神物

欲飛去也

題仿米家山水

甌香館集卷七

二 別下齋校本

高吟天外水雲低得句看山翠欲迷因喚天吳齊起舞

叩舷聲在萬峰西

題畫荷花

菡萏香生墨雨中半池花影若浮空花間記得鴛鴦睡

可是田田荷葉東

題松壑鳴泉圖

澹園裏中韻士能賦詩善書尤精
潤秀拔名流莫不推挹石谷子尤絕賞之因寫
此為贈昔黃鶴山樵有修竹遠山徐幼文有谿
山乘趣皆稱逸品是卷兼撮兩家之勝天機飛
舞一點一拂都是化工靈氣使人玩索不窮
圓得此所詣必進而益上行且為之詠鄭虔三絕矣

松風吹雨過幽篁石瀨鳴泉磻路長盡日橫琴茅閣冷

綠雲深處話羲皇

烏目山人撫李營邱平遠圖

東園生曰學喻古似

學喻古不必以喻古而真喻古乃傳也虎頭三毫益其所無神傳之謂乎石谷此圖神明于法度殆如光弼將子儀軍旗變色使六如先生而在正當發猶龍之概今天下之為喻古者其知愧夫

一片東吳精千載抱茲獨隻眼納天表縱心入萬谷雲岫有時白水流不敢綠山靈嘯風雨日月同沐浴非因夢瀟湘滄浪想餘曲靈籟無天工風弦偶然觸仙李去已久於今有烏目

倪高士平遠小景

誰剪吳嵐一片青閒呼猿鶴伴山靈愛他半壑荒寒趣不必浮家過洞庭

甌香館集卷七

士 別下齋校本

題石谷山水

濕雲凝不散風定雨初收密翠閉暗谷百道飛泉流拔地起千仞側身如可進都無筆墨痕但見山光潤猿鶴聽夜吟山靈齊起舞層峯欲斷處還借白雲補清暉滿空豪翠微澹高樹奇想如波濤墨花若雲霧曲折緬無際境闢理亦赴乃見靜者心橫琴清風度

惠崇小景

石壁無雲澗戶明驅毫增我向山情何時同作蘆汀夢翠竹叢中聽水聲

越江吟爲馬生書篋貽張君

越江啼鴉夏草碧游子過我城西陌沈沈密雨暗千門

雨絲淋漓滿襪貽我一紙書如傳上林帛問君西來
意將挂蘭谿席飛雲却望吳山履不向金華謁司李欸
段誰憐馬少游琅玕欲贈張平子海棠落盡餘醺紅五
花客館留春風彈鋏一何苦岐路豈終窮爲爾作短歌
花風裊裊吹斷蓬書成九華扇名姓誰能識士雲多笑
疾東游莫詣纏鬚客

深林石壁圖

石壁青天翠嶠開坐中雲霧起層臺開時却對深林坐
長似山庭風雨來

畫

柳畫柳得勢然昔人猶憂憂難之宋元諸家尤
妍盡態矣惠崇大年
時出新意此圖仿之

甌香館集卷七

三別下齋校本

莫是花城苑路東拖烟綰月自玲瓏風流只愛靈和殿
常在君王顧盼中

偶見心兌口吟得句圖此贈之

有酒我不飲好花時當窗輕風開綠蘋翠鳥飛一雙
草色亂簾隅雲衣落谿上安得此時懷從君一拊掌

秋樹圖

曲渚荒烟斷深林見月遲寒聲何處起風在最高枝
燕兒甫七齡失足墜溝中

正待庭蘭長翻教玉樹枯先秋零雪霰平地起江湖草
碧埋駒齒桐華失鳳雛夜深窺斷壑汝母尙驚呼

臨王若水爲湯母蔡孺人壽

嗟峨古幹倚蘭皋落紙香風滿彩毫還似冰霜比幽潔
瓊華應似婺星高

白雲飄渺玉鸞翔仙圃曾依雪月光莫道枯槎春尚冷
南枝已見發寒香

菜

剪蔬曾與故人邀翠甲肥甘帶露燒我已久忘梁肉味
不須三月待聞韶

梅花

雪殘何處覓春光漸見南枝放草堂未許春風到桃李
先教鐵榦試寒香

題竹石

元人有雲西貞居皆工竹石與雲林爲冠見此景畧似雲西不能爲迂翁也

甌香館集卷七

古

別下齋校本

奇石蒼苔點墨濃臺端溼翠灑秋空長竿細辨玲瓏影
半在靈邱烟霧中

擬曹雲西風篁翠竹

谿上烟光不斷春秋來無夢蒼空靈雲邊吹徹伶倫管
疑在瀟湘雨後聽

桃林紫燕

何處青青楊葉開春風不入舊樓臺桃花九陌無車馬
紫燕還從社日來

紅梅松枝

前在武林得觀馬遠所圖紅梅松枝小頃乃宋楊太后題詩以賜戚畹詩爲五言極清婉有致其畫松葉合綠爲之葉疎長半折離披有雪後凝寒意冰鱗玉珂危籜疑碧眞歲寒之麗質絕塵之畸客吾將從之與元化游蓋亦挺其高標無慚皎潔矣

鳳管曾吹嶰谷風紅綃全改舊丰容最憐殘雪離披處
斜挂枯枝折葉松雲史雲對何長流斷溪開掛日光
萬竹林中聽鳥聲雲史天涼對雲卒命題

霧滿空山未放晴蒼茫一徑與雲平籬邊盡日無人迹
墨池風雨失朝昏極望迷漫何處村欲借白雲封谷口
不教車馬到閒門雲史人高臺識日論論尚藥圃自

江山靜氣圖

我筆如雲衣我心如亂絲橫襟度千江縱意升九疑落
花歸風偶然值斷雲棲鳥誰相知春山無言出嵐霧花

甌香館集卷七

五別下齋校本

房何心飲天露木葉澹澹神靈雨碧草茸茸鷗鷺聚鬼
工夜語索墨精蒸起靈霞滿紈素千江縱意升九疑落

烟江詞贈金子

江草抽綠萍江花初照人高臺嘯月鋪錦茵藥圃自拾
蘭苔春玲瓏飛窗若烟霧百城吟對青桐樹寶刀腰下
吼龍精空向金門三獻賦歸卧滄江烟水邊常呼小鳥
耘芝田杜鵑迴風落花天麻鞋踏雲碎榆錢有時挾彈
過平川青絲腰裏雲錦鞦韆跋芳陌驕可憐銅盤剪炬
照玳筵檀槽迭奏鴛鴦絃君不見連雲甲第稱金張珠
簾十二鬱金堂牽雲曳雪橫洞房琉璃屏開挂月光舞
衫如虹落象牀別有香車傍驄馬春風遊戲烟江下草

色年年青花枝正堪把黃鶯按節玉鳳嬌沈沈琥珀杯中瀉

山水畫冊

抽穎水聲落揮匠羣峰奔嵐風夾衆木板屋聚幽樊黃公不可見豪墨兩無言

自題山水

何處谿山有此春春風不度馬駝塵洞門若遣飛雲入會向花谿一問津

翠微影裏曉雲平亂草如烟澗路明何時結架山腰上長聽松風猿鳥聲

紅林碧草泛平川卻憶深山采藥年放筆恐令真宰泣

不驅心匠鑿靈烟

同石谷下榻白雲谿樓作畫冊題句

此老胸中萬卷書谿山曳杖意何如天涯莫怪無知己秋水接空千頃餘

去別下齋校本

山水畫冊

甌香館集卷八

武進惲 格著

海昌蔣光煦輯

王顥庵太史拙修堂宴集分韻時移家還里將有
遠游留別婁中諸君子

把酒芳筵話遠征萍踪猶繫故人情祇因半世從屠釣
安用諸侯識姓名別路且攀吳苑柳何心重聽薊門鶯
三年廡下棲遲客一夜離愁白髮生

花殘江館滯征纓綠浦紅潮柳岸平芳草有心抽夜雨
東風無力轉春晴艱難抱子還鄉國落拓浮家仗友生
只爲躊躇千里別歸期臨發又重更

甌香館集卷八

一 別下齋校本

甲子秋將遊虎林作此簡寄與石谷先生相別一
載矣去虞山百餘里音問懸隔嗟我懷人有如
飢渴秋窗夢寐恹恹晤言竟句奉寄

東望停雲結暮愁千林黃葉劍門秋最憐霜月懷人夜
鴻雁聲中獨倚樓

秋風蕭瑟賦愁予久斷琴川別後書白首弟兄相見少
莫因淪落棄前魚

客窗殘夢曉寒催花下逢君笑口開誰道夢中難得路
故人還是夢中來

梁谿客館夜夢
石翁來索近詩

山水空留太古琴人生能得幾知音半園已去西廬杳
剩得南田是素心

收得江山在錦囊峭帆乘月下滄浪東還尙有蘭陵酒
絮被留君話草堂

林居高士圖詩贈蓉峯高士

移石苔草知贈雲山靈悅墨花開寒岑滿紙留冰雪
竹外空翠來樹杪泉聲過渺然遺世人橫琴向山坐
丹壑不留霜巖草尙碧色遲暮望美人含思渺何極
臨別示黃帥先

魂銷將別路淚盡涉江時知有前期在翻深此夜思
蒿牀啼弱女麥飯索嬌兒嗚咽難終語相看鬢已絲

枯木竹石

枯槎如含霜翠竹欲墜雨石壁掃秋苔幽人在何許

甌香館集卷八

二別下齋校本

臨吳炳折枝絹本

玉露凝涼霄金粟滿烟翠花影侵秋衣日華悉香氣
仙人入我夢樹底雲衣香玉杯承露冷招我三石梁
仿柯丹邱古樹圖

峻嶒秋水骨伴我白鷗汀上有含風樹秋聲硯北聽

擬柯敬仲畫

玉露華池洗翠莖含風雲外起秋聲何時得入伶倫手
截取瑤笳作鳳鳴

烟波雲影歌

水澹澹兮山嵯峨林壑無聲兮微風過沙渚曠兮水層
波大谷寥廓兮雲陰多目眇眇兮奈愁何

椿林水仙圖

鮮霞舞金鳳翠雲蟠赤虬百仞見枝葉八千爲春秋玉
節交翠旗金幢下瓊樓羣真會瑤海採芝臨丹邱

畫梅贈友

題壁應留處士詩草堂長護向南枝春風石上稱觴地
正是寒花破雪時

天池石壁圖

重岡細草覆陂陀風引松花落澗阿茅屋雨餘雲氣濕
開門不厭好山多

名利拋殘學棹歌閒將奇石且婆娑藤牋半幅留殘墨
想像天池石壁圖

畫芋

甌香館集卷八

三別下齋校本

還憶山堂夜臥遲寒燈呼友坐吟詩地爐松火同煨芋
自起推窗看雪時

秋聲

一寒天地寂羣動與誰爭驟若兼風雨來如卷甲兵沸
空宵轉怒掃影曉還驚愁客西窗裏能催白髮生

仿梅花庵主

竹雨蒲烟浸碧苔移雲剪水斷崖開石根忽見蒼虬起
一片冷風研北來

初春偶憶湖山風物

白雲還憶去年春冷雨楊花踏作塵十二橋頭絃管散

可憐猶有蕩舟人

仿董雲間

古木半落葉秋風初滿林無人領此意野趣自高森

壽友人

青葱琪樹映璇霜絳蠟新分五夜光
報道瑤姬來進酒玉簫聲裏舞霓裳

函關紫氣下西湖獻壽新懸海嶽圖
萊彩庭前進芝草更將金薤注冰壺

玉潤初高藝苑聲五雲還傍桂枝明
人閒亦有三青鳥何必銀河聽玉笙

仿巨然溪聲圖

歐香館集卷八

四別下齋校本

石峭雲鳥孤山空日月獨隔溪
招夜猿同向巖頭宿

山水立幅

穿嶺落空江鑿雲通別島結架在山腰
卷簾正春曉

山色

山色入空濛江聲貫蒼翠悠然遊雲來
與我若相待

荒林疊嶂

能與米顛相伯仲古來還只數倪迂
應將爾雅魚蟲筆爲寫荒林疊嶂圖

題松蘭

閒尋黃石侶老愛赤松遊
呼龍種瑤草跨鶴下丹邱

題畫菊

蕨薇無恙且加餐短髮難梳不著冠一卷離騷消夜雨
幾枝霜菊共秋寒

畫蓮

玉井殘烟未有枝綠雲空憶舊琳池誰知吟客消魂處
最是紅衣欲墜時
曉吟身近水天隈忽見湖烟半壁開一片綠雲吹不散
藕花香氣過湖來

失題

經年蕩子未應歸香粉空銷蛺蝶衣只恐朱樓春易過
落花偏傍鷓鴣飛

霜天叢豔圖

歐香館集卷八

五

別下齋校本

芙蓉散烟渚桂枝零青邱毫端真爛漫花滿一籬秋

雙鳳圖

奇草何須問十洲吹簫人憶舊珠樓雙飛月夜騎鸞女
會染紅雲在指頭

春詞

溪路楊花點客衣落紅影裏送春歸惜春好鳥嬌啼久
立軟高枝未肯飛

瓜豆

不是黃臺三摘後應與青門五色同一枕羲皇高臥處
翠陰藤下一豆花風

題畫

何須犯斗槎玲瓏望瑤闕騎雲上紫薇秋空摘明月

題畫贈李先生

滄波遠嶼橫天影莫問羅浮與洞庭我望春風楊柳路
煙山不改舊時青

臨王澹軒菊

白衣不至酒樽閒掩卷高吟深閉關獨向籬邊把秋色
誰知我意在南山

玉峯池館

斷雲殘葉樹高低竹裏人家傍水西滿地蘆花秋色遠
好山青似若耶溪

秋夜池上同石谷賦

六別下齋校本

甌香館集卷八

魚窺人影躍空池綠挂秋風柳萬絲石岬與君閒立久
碧梧陰下納涼時

江山圖

驅毫染嵐霧一片匡廬壁鐘磬出空翠江流瀉天碧島
影懸微茫迴灘互明滅吳雲不可見千帆望中沒

秋林

十年作畫對青山薜帶蘿衣意自閒不道詩情太牢落
秋林常與鶴同還

趙昌秋扇本

肯負春鶯空谷期瓊華珠樹最相思如何留得姮娥影
莫遣銀蟾過別枝

山堂花枝如雪戲臨一枝

隋苑繁枝不作香
細雕明月剪雲房
仙人寶帳流蘇結
神女瑤臺蹴鞠場

臨唐解元小景

雪後輕橈入翠微
花溪寒氣上春衣
過橋南岸尋春去
踏遍梅花帶月歸

寄吳商志

雪飄成獨往
零雨嘆無家
後死將何補
憂生未有涯
眼枯江北柳
夢斷日南華
願與同棲隱
鶯湖理釣槎

南田草堂看芍藥對花臨寫

謝朓吟詩鳳池上
美人潦洎又當春
折來香豔應傾國
甌香館集卷八

翻出紅雲欲贈人

大雨

大雨已三宿
簷溜如波濤
四壁生綠蘚
雙徑長青蒿
魚子滿夏沼
荷葉亂珠搖
索我窗下書
意煩心復勞

東籬秋影

獨坐對秋色
醉吟霜華叢
折來應帶露
零亂不因風
晴分瑤圃雪
曉漏青山虹
贈爾發幽賞
寒香生袖中

樵柯敬仲喬柯修竹

竹樹交參坡石暎
帶我思古人
悠然來下冷
風相蕩蒼
以天籟于此盤
游岑寥之野

深翠

深翠煙泉澗路分此中鸞鶴自爲羣不須夜泛山陰雪
半壁能藏五嶽雲

墨華

墨華開洞泉山靈應起舞身居烟翠中夜聽千峰雨

和許九日

曉烟橫岸樹如浮疑有寒鐘出梵樓凍合千灘雲不起
銀濤光湧萬山頭

花谿刺船歌

雲來山不遠雲盤山谿轉刺船花渚不逢人松風鳥啼
山放春

夜坐無月

甌香館集卷八

八別下齋校本

暮雲天際暗秋河細雨寒樽雁影過萬里關山今夜望
不知何處月明多

俠客游燕詩

火雲挂江路新雨壓蘆烟露井珠榴紅荷花風起香上
天銀罌豹血灑離筵手揮螺甲調三絃辟易虹霓氣無
前雁行龍子誰先鞭昨宵劍篋繡花紫今朝磨劍光如
水提劍不眠中夜起腰鞞雙鞵插盧矢虎頭醉月別江
干猿臂秋風走燕市汗血來方臯喜首蓓如烟嘶駮駟
桃花蘭葉雲滿身中駟上駟皆千里燕姬酒鑪進馬乳
甲第連雲正歌舞五侯晝擊靈鼉鼓腰間斑斕五色組
琉球貢刀飾翠羽隴西金籠獻鸚鵡少年新拜冠軍侯

夜獵西山射雕虎

客旅遣愁

對酒思千里高歌衣帶寬無山多怨鶴得樹亦棲鸞不
爲英雄死誰能國士看十年塵尙在猶有未彈冠
多難馴龍性無人對虎賁沐猴稱上客屠狗散夷門恨
去乾坤大愁來海嶽昏巫咸今在否筮與未歸魂

九月詩

羊續懸車日真長織屨時姓名驚客問詩句畏人知九
月芙蓉淚三秋故國思曉來霜信杳江草正離離

自歎示同好

桑扈投琴日風波失釣綸一裘藏九夏半壑夢千春薛

甌香館集卷八

九 別下齋校本

荔愁中鬼桃花劫外身殷勤問草野文舉是何人

老至神鋒短孤行使世疑驚魚愁有網宿鳥痛無枝詞
賦妻孥厭衣巾冰雪知賣文還作客肯負鹿門期

梅花香棹圖送友之宛谿

江雲晴散碧山頭南浦離情送蒨緜前路春風知漸暖
梅花香滿敬亭舟

送茅子移家還西泠

白蘋風蕩五湖船送客誰調蜀國絃君去蘭津初放柳
我來江上正啼鶉

臨卽歸去尚無家病客誰看韋曲花夜月南枝巢越鳥
可憐猶有未棲鴉

同天石元白從南嶽看梅因至楓隱楓隱岡卿吳氏名園今爲寺

看花遂循溪陟山復行圃初開南園枝巖畔久相覩猶有未窺林千花閉深塢賞心遲蘭期坐惜衣帶阻餘香蕩爲烟落英半成雨春風肯相待美人散前浦雪殘猶在眼萼綠低垂戶零亂千萬枝白雪不可補上翹仰叢篁緣亭俯藥嶼呼酒兼菜俎盤中錯以脯乘興及半嶺金繩啓蘭墅烟際山鳥鳴枯藤挂蒼鼠幽磬停高春松風落談麈忽然青崖開澗走怪石怒苔蘚誰所嵌駁裂翠欲吐解裘當浮嵐牽葉共支許綠蒲龍鱗波游魚數可數當時名園樹往往墜樵斧笑問門前松還能憶歌

甌香館集卷八

十別下齋校本

舞吳生感深情坐嘯起擊柱濯龍與華林於今復誰主陳迹歎自今斯游便成古浮生本連蜷花下一延佇月陵張道士書來說夜夢在南田見題門儷句有

餘閒小史等字戲爲詩答之

一鳥下高樓推窗展書誦相見隔半夕遂已入君夢步虛來南田題門不言鳳大書餘閒字尙有小史其原非版築人難爲帝者用君知湖海性不以軒冕重生事在丹青回車可無慟欣然一吟詩持此報張仲

送吳子入閩因憶舊游

黃華城曲弔殘暉陰火猶聞照鐵衣青草不生洲上路鷓鴣還傍戰場飛黃華大洲皆昔時屯兵處

巒溪曲處斷雲封小艇高灘度百重料得蓬窗應點筆
再三回看幔亭峰

蜃氣解邊逢陸賈枕榔天畔問鄒陽

子友陸生子翊鄒問皆在閩南外

江憔悴人如此莫指吳雲念故鄉

閩人以吳下爲外江

春盡都銷客舍寒更無別曲怨離鸞
炎天橘柚原難得寄我珊瑚作釣竿

贈雲間遺叟陳君

先生養谷神顏色若芙蓉
赭鞭乘靈氣觀世如鴻濛
囊餘不死藥奔走諸王公
曾不撻氛埃渺然御冷風
洪崖笑相語度世何匆匆
霞衣染藤牋秋水明
方瞳或疑圯上叟
或謂商山翁
千齡始嬰孩其壽等喬松
煜煜五靈

甌香館集卷八

二別下齋校本

芝皎皎雙玉童長合世人見未許還崆峒

林使君攜酒與福禪房夜飲池亭

弦月上烟際滿地皆松陰
俄聞清磬發始覺禪房深
隔池芙蓉花路暗不可尋
夜蟲鳴露草棲鳥定
風林高酣伐芳醕刻燭清夜吟
悠然發天香語默皆通心
何能久相接留想在瑤琴

偶在峯西閣得米襄陽墨戲諦視良久烟雲萬態

咫尺千里洵墨林勝賞也喜爲模此更系以詩

用寫倦倦之意

灑墨作嵐氣太華蓮花濕谿路不逢人
渺渺秋濤急石淙響淺瀨烟霽弄空明
崖壁彩翠間如聞天雞鳴

莫疑瀟湘雨亂數羅浮樹匠心攬化權黯淡太古趣
破此琅玕紙墨華墜氤氳山前半沈溪山後密藏雲

良士泛舟鄧尉看梅半月而返興甚高逸歸時出
此扇索畫乃作看花圖

二月春游興未孤輕舟結伴下姑蘇最憐花裏歸來客
爲補溪山雪後圖

臨范仁安魚藻圖

可是垂綸處圖懸想象中還疑渭水上留夢待飛熊

仿癡翁筆

濃淡寫成山淋漓復點樹雲拖片雨來卻是催題句

客從九龍山中得紫芝二本以爲瑞物攜歸示余

甌香館集卷八

三
別下齋校本

因製斯圖

雙芝根傍翠琅玕紫府水霞注露盤不必圖中添玉樹
青葱還似謝庭看

石谷畫竹

子猷愛竹不畫竹石谷畫竹兼愛竹千頃秋雲散綠陰
一時同唱瀟湘曲

芝草圖

丹邱一片石粲粲五色芝服之生羽翰佩之好容姿

臨趙子固本

影娥池上晚涼多羅襪生塵水不波一片碧雲疑是夢
醒來無奈月明何

松溪障子

不因風力怒濤生，谷動盤渦浪欲傾。
曾記當年泊舟處，秋雲南岸聽江聲。

于西湖再見高子時高子從廣陵來

我問西湖堤上柳，桃花去後會開否。
鷓鴣鈎輶啼向春，將軍不至無游人。
曉嵐青青白雲白，湖山尙識重來客。
拾翠還嘶舊紫驢，金丸又落垂楊陌。
憶君入閩我去吳，茫茫烟月沈五湖。
劍客幾會過粟里，酒樓何處臥璣瑜。
思光牽船日欲暮，短衣再哭錢唐路。
蠻語爭輕佐治狂，酒酣常使田蚡怒。
三奏雲門誰見知，何如歸卧樊須圃。
前年臘月蘭津渡，驅車難問垂竿處。
雲邊空指朔鴻來，雪後方知故人去。
緇塵舊恨滿綈袍，陌上相逢脫佩刀。
歸路且裁枚乘賦，解裘同聽廣陵濤。

甌香館集卷八

三 別下齋校本

題簞侍御洞天圖

瑤圃銀雲起墨池，天吳夜語海山移。
崑邱誰剪三珠樹，應有雙棲白鶴知。

掀天白浪轉江風，研北仙鄉路可通。
見說神山居水底，金銀宮闕有無中。

初冬與麗公邂逅靈巖長歌志喜

素商吹盡朔雲起，秋山半沒烟霜裏。
無邊楓葉下寒沙，孤舟夜渡吳江水。
爲禮靈山調御師，得遇文殊法王子。
百城烟水雙行腳，大千沙界一彈指。
投君以紈扇，佩我

以椒蘭爲歌行路難中夜起長嘆瑤琴在壁不忍彈拊
膺慷慨涕闌干所思尙隔青雲端何時高飛生羽翰悠
悠黃河未可渡十年夢斷西山路驚心芳草又蹉跎白
髮春秋等閒度君不見高鳥將飛翼先伏燕雀安能測
鴻鵠一角寧爲轅下駒後凋豈是尋常木滹沱一派水
朝宗剝塵威振象王蹤握中金劍風雷吼擲向青霄成
赤龍

署中杏花樓上得句

東風吹滿綠楊烟一樹啼鴉驚曉眠無處踏春春欲盡
高樓閒過杏花天

初夏森枝過芝田野雪軒取扇索畫戲寫翠叢新

甌香館集卷八

十四別下齋校本

豔有迎風咽露之姿賦色嫣然麗動吟魄抽其
閒緒以悅賞音并屬同心相和爾

白石郎翻樂府詞犢車香草最相思春來轉怪東風急
豔紫嫣紅去伴誰

蝶衣金粉不霑塵曾採殘香過翠茵笑裂齊紈寫春色
欲教懷袖想伊人

同作

楊

晉

子鶴

柳花飛盡不多時淺翠深紅又待誰簾外春風還入
夢黃鶯已過隔牆枝

亂草殘花總作塵空憐幽豔翠爲茵秋風紈扇尋常
事莫擬當時懷袖人

甌香館集卷九

武進惲 格著

海昌蔣光煦輯

丙寅中秋同張漢瞻及景范景天諸君玉峯北園

看桂

北山幽處板橋通寂寂山靈護桂叢只恐金風吹散去
夜陪猿鶴臥花中

荒林風霧起空臺偏到花時少月來寄語廣寒休如我
人閒天上不同開

飛塵不上桂花枝樹底孤吟動遠思遙想金門鏘珮客
花時應憶舊山池

甌香館集卷九

一 別下齋校本

清書銀輪看月華高低寒碧護晴霞一秋青女勞金剪
剪盡流黃細作花

玉女投壺笑碧城滿林金電淡山楹花繁恐被姮娥妒
故遣陰雲蔽月明

翠霞池館望霏微一點天香傍客飛只爲花叢貪坐久
不須歸去更熏衣

爲愛秋陰桂始開隔溪幽徑鎖青苔花光不是金銀氣
何必游人逐隊來

池南八樹望氤氳花氣能蒸出谷雲獨有三株藏岸北
滿空香霧一池分

亂飄黃雪滿珠邱疑有金鷺守素秋開到無人花更密

曲池真似小山幽

看花歸棹轉秋煙一路香風出柳邊驚起綠窗河畔女
笑聲齊指載花船

題古木圖贈鄭子

枝高撐天葉大於掌含霜聚雨涼籟吹蕩空堂無風時
作奇響幾回停筆不得下令人心在高雲上

題畫扇

白石荒苔未種桐昏鴉竹葉夜來風心關古木枯藤上
詩在寒煙蔓草中

九月十四夜與石谷子對月玉峯園池今秋無月

四夜千里無纖雲最為皎潔與石谷子對月吟
賞甚相娛樂樂覺此時玉峯園池為吾所獨有支

歐香館集卷九

公買山而隱笑為多事坡翁云江
山風月閒者便是主人真名語也

開盡秋雲夜景新青天碧海一閉身清宵半為離家好
快友能忘作客貧柳影漸疎侵北葉蟾光未滿向西輪
詩成收盡林園趣風月知誰是主人

十四夜望月

獨倚樓頭看夜月誰從缺處補秋煙平開圖畫含千嶺
盡掃星河占一天行到重雲光倍疾出當深樹影難前
待看明夜嬋娟好萬里晴空一鏡圓

寄北郭曹三蘿時病起將有楚游

洞庭舟未發病起尙沈吟欲作鄉園別先傷去住心寒
煙荒竈斷落葉閉門深霜月懷人夜題詩寄北林

與吳子論詩夜立白雲渡

出戶見新月昏鴉棲未安霜林雲外直風草渡頭寒偶
爲論詩久相忘向夜闌飛揚真自許對爾欲彈冠

中秋過梁溪與十峯節培燈巖諸子夜話

一條帶水三年隔八月浮槎到客遲把酒正逢蟾闕滿
桂花香裏說相思

懸帷爇火夜從容曉露研硃點易濃別後龍鱗應更長
庭前重問著書松

李營邱利涉圖

遠天樓閣隱松篁坐攬層峯煙翠光知是深山前夜雨
一谿秋漲沒漁梁

甌香館集卷九

三
別下齋校本

樹杪晴雲磴道迷人家還在數峯西過谿直入千峯去
不管盤渦沒馬蹄

贈東郭朱山人

綠水轉大隄白鷗弄春蘋青松久寂寞喟此巢居人蘭
茗披庭笑楚畹桃花滿地無秦塵四壁圖書生翠靄脫
帽一笑天地外惠曉門前有醴泉康成砌上多書帶赤
銅煮雪霞斑斑花時愛客不閉關懸劔牀頭嘯風雨吟
詩半榻走江山人季信慷慨公叔擅風雅陸機論文不
敢訾灌夫使酒能相下任俠何妨混狗屠結交有時入
裘馬夜閣蒼翠明曉樽葡萄清鮮花錯如錦奇卉未可
名紅泉之國不死草千秋誰見靈妃老鸞鳳朱離入夢

寒文玉珥琪亦徒好我今灑墨破生絹剪取煙濤一片
島但能長弄滄洲雲茫茫海嶽無昏曉

彈劍歌

烏啼屋角天茫茫夜蟲涼葉淒洞房秋河白瀉碧玉牀
鴛鴦漸老芙蓉塘衝冠髮短劍鞘長桃花痕染白帝霜
黃金如山國士死寶劍墮地摧精光長饑不能傾酪漿
天寒山鬼愁無裳馬足斷折車覆廂縑塵滿衣哀雒陽
魂歸江南非我鄉北風大雪吹枯桑篋篋夜火冥柏梁
西京父老空斷腸

送天目先生北上

白雲迢遞薊門游畫舫滄波不可留千里蒹葭雙棹遠
甌香館集卷九

四 別下齋校本

一帆烟雨大江秋長安意氣還裘馬方外心期各斗牛
翹首青楓動愁思月明靈鷲倚南樓

壽天目先生

花鳥柯巖正未闌流觴重集晉衣冠依然松菊陶元亮
聊爾耕耘管幼安夜半三階□□秋深九畹樹芝蘭
由來高隱多□□不信礪溪老釣竿

贈嶠雪

扁舟湖上賦歸與白草黃花滿故廬我自青蓑稱釣叟
君還滄海作鯤魚關山夜月殘鼙鼓江漢春風動羽書
共道盤根須利器肯令詞賦老相如

湖上張李二子在閩南不至

十年吳客不聞簫
珠樹三山入夢遙
秋到閩南人未返
愁心都作海門潮

贈馮羽皋

玉匣蓮花拭劍鋒
據鞍舞槊見雄風
說齊不用縱橫術
鑿窟先生自姓馮
滄浪高志滿江湖
花下披書興未孤
怪底空堂雲霧起
傳家曾有九龍圖

呈靈巖和尚

靈嶽抗飛巖層峭
倚天壁龍從吐新霞
迴縈領春陌陽
坂湖煙冠陰崖翠
微積金繩迴法雁
玉毫翻貝闕玲瓏
梵網交曲折山楹
闢靈泉湧丹沼
旃檀兼翠柏至人緬

甌香館集卷九

五別下齋校本

禪棲妙寄靈肩跡
華雨溼蓮趺飛錫響
空碧挈瓶驪珠灑
攜藻華星列來去
青猿使遊從紫芝
客琪花照圖書異香
滿瑤席芳烟裊爲蓋
纖草多承鳥蘭薄
漸抽綠梅萼已吐
白寂照耿沖襟和
光萬象悅駘宕陶
熙風逍遙憩億劫

爲諸巨鼎畫瀟湘夜雨圖并送其入楚

霜滿芙蓉此送君
手搴秋草怨離羣
輕帆九月湘江冷
一路青山入楚雲

渚宮黃葉雁聲低
故國浮雲野戍迷
我向毘陵城上望
月明人隔洞庭西

故郢城荒草色昏
黑貂蕭瑟臥荆門
秋來獨作湘南客

莫向巴山聽夜猿

送立雪道人入山

吳關孤棹冷殘雪亂山多爲問花谿上寒梅今若何吟
猿朝磬立獨鶴夜堂過倘採靈邱藥同呼玉女蓑

諷友詩

時非平綠畦春虹解繁沚香草不悅魂躊躇念公子鄭
僑惜畱紵鄂君斂餘被瀉海豈西瀾奔羲無東晷忘轍
未可臨盜羹敢濡指染絲將變素改杼非完綺檜下欲
何訊嬋媛歎方始積羽旣傾轅披裘獨行市丹梯遲高
步金門虛望履我自樵蘇人食萍不知美

吳山酒客歌兼示映然

歐香館集卷九

六別下齋校本

丁都護飲如故酒酣自作鴝鴒舞脫衣直挂櫻桃樹庭
前呼馬不得鞍鷓鴣淒寒肘欲露吳山笑人斗筲泣零
落風埃一毛羽酒漿厭厭無高車天海茫茫悉岐路班
姬束書過九春筆牀湘管今生塵十年江上吟紅客還
似牆東處士貧

贈綏山太史

游戲青霞作外臣朝衣不染舊紅塵湖山若問閒吟客
十載宮門諫獵人

北山猿鶴夜無聲從此羣鷗好結盟病渴不貪金掌露
可知嚴助厭承明

烏衣甲第虎林開爲愛西山爽氣來試問金華詞賦客

只今誰在柏梁臺
城上連山入戶青
三春花氣閉重局
掉頭不索長安米
調笑何人識歲星

題綬山扇

春游駘蕩扇袍寬
時送山光到繡鞍
匹馬清谿踏花去
滿衣空翠欲生寒
琅玕翠色半窗深
高臥都忘霄漢曲
松閒碧月照彈琴

秋卉圖

秋華明紫豔
冷草護丹粧
幽思石壁下
抱雲吟新詩

菊徐熙墨花略施丹粉而意態自足此意非時俗可知也

甌香館集卷九

七別下齋校本

送秋人尙爲花忙
喚客同傾花下觴
四角燒燈中列炬
枝枝花上發光芒
紫雪丹霞粉一團
高低移入畫圖看
却教青女無尋處
坐擁羣花度歲寒

陳待詔樞王叔明畫

天姥亦不近羅浮
亦不遠連峯如奔濤
蒼翠忽然斷谿聲
落葉人不聞
秋山夜空待雲滿

題待詔畫

隋宮翦綵怨春遲
莫作羅浮月夜思
紅豔不銷天上雪
春風還繞向南枝
玉井殘煙未有枝
綠雲空憶舊琳池
誰知吟客消魂處

最是紅雲欲墜時

蕉花影裏綠雲蒸深翠如煙覆甍瓦石上橫琴心更遠
空杯斟盡玉壺冰

游仙詩

八尺琉璃覆玉裾紅蘭香過百城餘自翻蟬蠹花閒帙
不是陰符雪夜書

沈水熏衣生紫煙琴心春滿鳳凰絃不將玉薤傾螺甲
却教黃娥操水仙

扇落梅風香淺清繡鴟璫上海綃輕花前未進陽阿舞
先聽雲和第一聲

二子歌

前年阿咸元介舉主器余深喜玉樹之生
於庭也今年歲在卯元介再得雄鴛雛鳳

甌香館集卷九

八別下齋校本

毛濟濟可
愛因作

君不見五雲如鳳天上來又不見玉芝香發生春苔我
家阿咸二子頗端好乃知龍文渥洼非常材大兒氣如
虎薛公請高戶小兒占夢又徵蘭月滿華春正三五初
垂寶璫佩犀錢更有蓬弧繫金縷吁嗟乎爾祖以上方
盛時朱輪玉節天路馳爾祖以降門祚薄烏衣舊巷都
蕭索千古長貧恨南阮一時風雪憐東郭只今後來雋
秀多鳳毛噓氣直與雲天高天荒地老我舌在對酒不
用心煩勞春晝花飛露井桃晝筵絲管聲嘈嘈花裏春
風落罽袍爲爾高歌緩帶傾葡萄鬱金堂初相視試爾
啼山公喜玉盤明月迸雙珠錦毛赤汗皆千里番陽家

白燕

何處盧家舊畫梁口銜飛絮過迴塘將雛露下瓊裾溼
試舞花叢玉剪香

失題

肯使虎頭稱畫聖不容摩詰老詩壇驅豪豈有愚公力
萬壑千崖掌上看

亂石鳴泉

亂石鳴泉仿王孟端非黃鶴山樵也其
皴擦渣點相似而又有閒矣如海裂井
斷不可消俟
明眼者辨取

無雲石逾峭得雨山更溼叢叢青翠中一片山濤白

山中待友人不至

三秋不共故人歡一日離羣握手難黃葉空山無客到

甌香館集卷十

九別下齋校本

白雲幽澗待君看松門石響風泉急蘿洞猿鳴夜雨寒
無那足音今尚杳相思明月照闌干

臨梁楷空烟無際

鎮靜獨鶴鳴花林送新趣借問是何世滄洲不可度毫
端浩蕩起靈烟遮斷千峯萬峯路此中鴻濛猶未開仙
人不見金銀臺冷風古樹心悠哉蒼茫羣鳥從空來

新篁圖

石谷子補溪亭
遠山并為潤色

琅玕雲外綠解籜遍蒼茵王猷曾獨往吟嘯四無人

王叔明作修竹遠山嘗稱文湖州暮靄橫看卷筆力
不在郭熙之下於樹石間寫叢竹乃自其肺腑中流
出不可以筆墨畦徑觀也南田此圖真能與古人把
臂同行但屬余點綴數筆欲如一峯黃鶴合作竹趣
圖余筆不逮古何能使繪苑傳稱勝
事耶丙寅臘月望後三日王翬識

出匣蓮花嘯秋水銀河玉面明星眸風流倜儻非常儔
解裘調笑名倡樓呼盧縱飲青翰舟文犀之爵醱醪酒
板拍紅牙不離手龍韜醉倚錦步障獸帶暗藏金匕首
雙鞭笑挽二石弓一發飲羽何其雄自言貫革非足異
一箭仰射南飛鴻關西健兒安足數遼陽老將色如土
美君慷慨善結交從游半是扶風豪一言肝膽成金石
賣漿屠狗皆膠漆囊裏黃金棄若遺握中白璧誰知惜
碧眼仙人授金冊再拜受之得神術手操百鍊金絲鍼
重使羣盲識天日童叟扶攜盈路隅觀者咋指叫奇絕
遨遊賣藥江海間青囊且遁亾人跡世間萬事如轉轍
肯使羈孤誤花月湖畔珠簾十二闌笙歌常滿東西陌

甌香館集卷九

十別下齋校本

舞榭朝霞映曲房雕窗羅綺鬱相望別有高樓紅粉妝
行雲邂逅巫山陽贈之雜佩明月璫楚臺今作秦臺客
離鸞並作雙鸞集翠帳流蘇垂紫煙香奩坐擁冰花天
麟膠解續鴛鴦絃瓊簫對倚金鏡前玉芝瓜瓞皆萬年

罌粟

誰教碎剪明光錦却與平鋪金屋塵簇處樓臺霞出岫
遮來裾幄綵爲茵

丹臺珠樹綠雲遮仙苑新開四照花飄渺靈妃乘翠鳳
銖衣都剪赤城霞

虞美人

此卉之極麗者其花有光有態有韻綽約
便娟因風拂舞乍低乍揚若語若笑子見
作者能工矣輒不能似似矣輒不能佳蓋色光
態韻在形似之外故得之者鮮也此種妍色余

甚畏之攜至吳門山齋新涼快人始
爲拈筆未識於色光態韻畧有得否

分明翠袖盈盈立如見紅羅步步來
霸業已無堪戰地香魂猶有未寒灰

紫藤

霞衣纓絡來何處蕊珠宮裏愁千縷
誰把長藤挂紫霄繫住東君莫教去

偶寫藤花戲題

紫茸垂組綬寶帳飄縷絡分豔與瑤妃
傳書入丹閣

梨花

輕風吹樹散朱門墜影憑誰寫
素魂萬里曉天微有暈終宵明月欲無痕

風香館集卷九

墨梨

粉暈微消墨一絲春風春雨未來時
張公大谷應無比知是齊宮第幾枝

坐雨書帶草堂有客送牡丹二枝戲含丹粉爲花

王畱照並吟二絕賞之

香壓檀黃露未收媽紅狼籍一春愁
新裁翠帶還雙結不是夫容亦並頭

鄂君翠被未全遮天上瓊樓有落霞
欲使東風吹不去長畱春色在貧家

牡丹

姚黃未可得嬌容最擅名東風無限力吹徧洛陽城

芙蓉

錦幃初卷處，凝露半含時。十月開瑤圃，春風知未知。

玉蘭牡丹

疑是霓裳月下看，誰家紅袖倚闌干。瓊簫碧落吹瑤海，露掌清輝散玉盤。

芍藥

五銖衣薄不畱塵，羅舞還驚窈窕身。肯與花王相近侍，笑他傾國是何人。

瑤海神娥侍宴還，舞衣初卷珮珊珊。不勝酒力星冠倒，應倩人扶十八鬢。

白芙蓉

甌香館集卷九

三
別下齋校本

錦城秋色映清波，粉豔盈盈香霧多。疑是霓裳渡神女，却將顏色妬姮娥。

洛陽花馬蘭

雜佩新裁玉，香羅不讓青。煙絲誰覺結，衣繫護花鈴。

蜀葵

絳蠟裝成向日薰，孤根傳自蜀城分。階前漫比金錢落，獨有丹青錦作文。

錦石瓊苗珠露溥，捲簾閒倚畫闌看。黃鸝掩映歌三疊，翠袖遷延舞七盤。

秋海棠

秋苔冷豔嬌無力，紅姿還是殘春色。若向花前問舊名，

只恐東風不相識

水荇絡緯小景

蟾絲迎露織絡緯催夜寒幽尋何處好秋在蓼花灘

秋花

看花常帶雨香遠和烟低誰道秋雲淡憑闌費品題
寒花妒春色豔草如紅林竹風答蟲語相和成秋吟

菊

漉酒無葛巾高吟一窗靜日日對南山枝枝送秋影

菊花雞冠老少年合景

餌菊秋潭霜雨遲闌圖絡幘倚金池但教呼得紅輪起
老去還如年少時

甌香館集卷九

松竹菊花圖

徙倚白雲外盤桓陶徑深相看同竹友惟有歲寒心

絳幘橫秋

金距秋苔帶露棲一聲疑在玉關西十年庭下誰同舞
閒却霜天夜半啼

水仙

玉府仙人冰雪姿生來卽遣侍瑤池碧雲隔斷塵凡路
問著塵寰總不知

金魚

玉女盤從華岳開斲山還帶舊時苔新移白石連烟種
聽曲紅魚出藻來

雞

花閒得食自相呼
啞啞驚看綠蕪
自散墨華成五色
一羣都是鳳凰雛

蝶

蝶衣金粉不沾塵
曾探殘紅過翠茵
笑裂齊紈寫五色
長教懷袖見伊人

對雲

到地聲偏寂
無風花更飄
山川口封壤
日月口昏朝
鳥鼠窮簷盡
炊烟萬井消
流民猶遍野
哀歎在今宵

商巖

商巖不是世間春
丹溜金膏總絕塵
喜得山中無綺皓

甌香館集卷九

商別下齋校本

向留瑤草與游人

題雪山

煙光能向硯冰開
卻展谿藤空翠來
真想不關天下事
好山長對手中杯

冰鱗斷壑想移根
勁骨傾敲臥華門
天地一山吾與爾
雪窗殘月伴黃昏

處伯入泮賦此志喜

夜光韞荆璞
國香隱蘭叢
赤驥尙伏櫪
未能騁追風
方臬始一盼
凡馬遂羣空
黃鵠在藪澤
羽毛初未豐
勁翮旣已成
一舉摩蒼穹
王子稱穎脫
玉樹原青葱
烏衣門第在棲鳳
待高桐爾翁我膠漆
慷慨披心胸
惜哉無口

□高棲隱寒蓬遺情放巖壑墨苑稱國工運心入無垠
慘澹開鴻濛方當學易年髮白已成翁嗟予亦草莽玩
世今所同利刃避鉛刀壯心耻雕蟲徒抱濟時念誰能
排雲虹鳴雷爭瓦缶待叩非洪鐘之子每下問言論驅
凡庸藹然敘世講執禮何温恭龜勉在文藝靈想啓深
衷獵華騰茂實理勝氣能充讀書貴神解左右源泉逢
氣質化偏駁古處相磨礱沈潛去其浮涵濡養其冲所
以美麗澤竊比他山攻里巷競聲利時俗皆噴聾齷齪
醜穢蛆何能知游龍爾翁望久矣惟予能亢宗子當游
翼序奮起雲蘿中從此振英聲蔚然文中雄運錐工揣
摩飛藻傾王公閉戶賦凌雲蚤獻明光宮

甌香館集卷九

五 別下齋校本

爲處伯大世兄題照

新涼梧竹地宜秋捲幔西窗星漢流
藜火光寒明月夜讀書聲在最高樓

甌香館集卷十

武進惲 格著

海昌蔣光煦輯

國香春霽

紅樓飄渺豔朝霞上苑會傳第一花莫放春風容易過

千枝齊護碧桃紗

北宋徐崇嗣創製沒骨花遠宗僧繇傅染之妙一變黃筌勾勒之工蓋不用筆墨全以彩色染成陰陽向背曲盡其態超乎法外合于自然寫生之極致也南田子擬議神明真能得造化之意近世無與能者石

題石谷兩山圖

猿鶴聽夜吟山靈齊起舞層峯欲斷處還借白雲補清

甌香館集卷十

暉滿空臺翠微澹高樹奇想如波濤墨花若雲霧

秋意

梧葉已報秋薇花弄新豔花西弦月上漸覺星河斂窗

閒綠雲合櫺外香風占

錦石秋容

金井涼如水身疑踏月輪吳剛曾似我還伴桂花根

雪圖

有此山川無此筆墨鍾子不存牙琴歎息

桂雨

桂雨生曉寒繁枝綠雲結隱几如空山叢花點秋雪

春游詩

白髮南村老春游傍友生論心薦蘆筍滌口酌蘭英赴
節初聞鼓看花不待鶯追從丈人後執御愧慈明
路轉松濤上雙林華雨閒天空垂古塔地盡出吳關鳥
過常穿嶺雲來不礙山琴臺眺湖水心與白鷗閒
花谿隨路曲到寺白雲開何處還吹笛前山正落梅霜
鐘過西嶺雪雀聚空臺莫遣春風老年年一度來
浸柳春濤闊歸帆帶日遲醉呼光逸酒閒對謝安棋衆
鳥分花散千山夾岸移再窺停棹處重憶放舟時
昨對花枝宿今憐繡被分還山初隔夢往路不同羣澤
國催新柳吳宮過舊雲橫塘見帆影歸興入斜曛

山中梅花落

風香館集卷十

二 別下齋校本

謝朓裁詩日南威插髻初曲中吹不盡隴首散還餘夜
雪封枝淺春風度嶺虛豈因幽淡久片片逐人裾

桃花

花月古谿濱天畱劫外春雲中問雞犬笑殺武陵人

贈王郎弟子楊子鶴

千花成佩錦囊詩愁殺孤吟獨坐時豈有一邱能置我
短箋還笑虎頭癡子鶴以寫照檀長

靈巖晚賦

經行雙樹下風露轉銀灣遠火浮空水春星落夜山月
中雲霧塔天半雨花關病客層樓上清宵聞雁還

秋日山中憶友

授衣歸雁後客思入秋驚葉落不見地山空如有聲白
雲平野闊紅蓼一江清手折南巖桂誰知寄遠情

湖上遇沈子因作長歌一章

千里霜林孟冬候我乘雀舫行西湖芙蓉落盡烟水寒
朔風飛霞鳴菱蘆天光涵波碧雲漾丹楓黃葉飄青嶂
橋畔逢君不識君目成初在蘇隄上黑貂之裘白接離
秀骨峭立蒼虬髭篋中新草招隱詞帶閒雜佩商巖芝
夷門狗屠時未遇短褐飯牛歌日暮美人雲漢遙相望
東限滄海西夜郎欲往從之天路長好音不到西山陽
五陵裘馬何足道深巖鹿豕寧終老眼前春華肯相待
又看冰結池邊草沈約風流今再見意氣縱橫誰不羨

歐香館集卷十

三 別下齋校本

黃金曾結六郡豪白首空懸三尺劔孤山岑祇樹林爲
君歌拂鳴琴清絲何泠泠一歌三歎愁君心君不見西
湖霜草十月天笙歌岸曲多游船金椀笑酌葡萄酒紅
瑜坐撥琵琶絃朱樓倡女何便娟長袖自舞離闌前我
獨何爲心煩冤滄浪之天不可問紅日遠隔扶桑巔不
如高歌湖水擘持螯載酒吳山岬我擊鼓君吹簾與君
對把珊瑚卮君家昆季雅善賦雄談樂舞黃皮袴悲歌
慷慨俠者流紛紛輕薄空無數賤子南冠最辛苦十年
牧馬邊關路長鋏淒涼一敝裘壯夫已爲雕蟲誤風雨
西湖把袂時朱絃流水遇鍾期賞音此日憐同調翻恨
從君傾蓋遲

梁園

春風入梁苑亂起楊花絮碧草滿平臺遺宮不知處

靈隱山中曉起從飛來峯步至韜光眺望久之

振策循高巖晨霜千樹白重裘凜冰澗絕磴盤叢樾下
睇寒烟平綠知衆山沒攀藤失鳥道窺洞半雲隔霧散
出層泉葉盡辨幽石嵐翠秀可掬江流細如髮縱心觸
遙遇盪目驚奇跡靈境鹿豕遊香厨鳥雀食雲霓媚雕
櫺薛荔交丹壁石潭明微波湖烟霽深碧泛谷激陰飈
鳴空下寒飒始見青松長因憐芳蕙歇披林嘯聲發度
嶺天光闕

贈汪魏美

甌香館集卷十

四 別下齋校本

淒淒革履歲將闕避世誰知管幼安桂樹幽人招隱地
鹿皮高士著書冠風簷解帶蘭香滿霜路班荆玉佩寒
辛苦西山無伴侶握中薇蕨勸加餐

山夜歌

翠微露碧雲野水濛濛石壁下清猿啼月澗戶寒落花
無人春山夜薜荔停雲車陰風夢龍馬哀唱繞紅絃憂
心不可寫無因摘瑤草空憶巢居者

走馬梨關曲

送天池
入閩

臂鞞雙控青絲絡鷓鴣新淬蓮花鏢君提玉龍將入關
余亦披裘反東郭琥珀削鞋寶粟鈿按絲重環練帶纏
絲絮如塵點離席勞歌不動胡琴絃江門曉角催江船

挂帆忽上踏高烟天雞一聲紅輪起溼光蒸霞變空紫
懸厓走馬度七盤身在重關綠雲裏海風吹沙滿銀浦
炎霧灑衣若嵐雨谿花含色染鮫綃山鳥向人作蠻語
珊瑚盤中荔支赤屋樓隔夢滄洲夕開殘齒菡蘋花白
西還應憶蘭陵客

送卓公上方住靜

西風楊柳片帆懸東渡茗谿吳水連碧草離心芳渚外
青鞋歸夢白雲邊藤蘿半錫藏寒峭猿鳥空山伴夜禪
寂寞獨畱元度月相思霞嶺隔秋烟

春夜長安望月示滕子

明月長安道烟花萬里人同看故鄉月不見故鄉春

甌香館集卷十

五 別下齋校本

除夕

繁雲翳冬徂暖曖頽羲戢夜火明宵空響竹喧晚邑北
林元陰徙東戶新烟入代謝判昏朝冬原改春隲景光
憂夙逝遲暮感今及候鳥變聲初時風待旦急攬物憑
化遷臨觴索緒集何以謝歲月尙勉修名立

荔支曲

滄江鳴鴉大火中深翠如烟結紫叢千樹曠曠日當午
枝頭翕翕火齊吐園客搖筐剪馬乳錯落金盤灑紺雨
赤龍鱗裹絳粟房頰虬卵孕雲英瓢合浦珠牡剖夜光
雪花嚙作水晶涼一掬玉屑調天漿齒冰隄結澄甘芳
南方百果羅珍奇紅錦荔支稱第一曲殘天寶已無聲

貢道今虛海南驛大宛葡萄那可得西國何年進石蜜
華林園柿冷金衣龍洲木奴摧朱實獨畱此品三十三
綠袍金鐘久無匹曾作榕城樹下人魂消江客披圖日
諦觀却坐薇花帳細枝黛葉紛相向可是長安十八娘
幾回夢在楓亭上

山夜有懷張邵二子

江客滯春屐巖靄棲層深散髮弄餘暉暮紫凝西岑繁
花墜風影響澗赴禽音林烟欲盈袖嶺月多在襟春觴
激吳趨寒吹淒越吟徒怨蕙帳空時勞遠人心流水不
獨操虛此夜山琴

山窗夜坐遲王山人不至

甌香館集卷十

六別下齋校本

霽色射林隙沈煙散半壑弦月摩重雲微光送涼幕岑
然夜窗虛青燈伴孤鶴彼美期不來金尊與誰酌

柳池

翠壓秋雲碧玉岑夜聽風雨綠池深曉晴起坐芙蓉館
已減垂楊一半陰

贈友

谷口披裘處移家愛子真吟詩梅蕊瘦到日柳條新一
榻千峯雨孤雲半壑春畫沙書自好嘯樹憶仙人

荷花

平池碧玉秋波瑩綠雲擁扇青搖柄水宮仙子鬪紅妝
輕步凌波踏明鏡

送江西羅飯牛

長天孤鶴又西飛八月新涼到客衣
歌吹竹西留不住滿江秋月一帆歸

題百花巷吳生小像

苾鞋曾踏九州塵壯志空留萬里身
歸向專諸尋舊隱百花深處一閒人

玉軸縹緗伴玉壺毳袍感慨在菰蘆
朱門車馬無人識醉臥吳山舊酒徒

西冷吟

秋風既以及袖秋月既以及懷渺茲當我前
我心安在哉西冷氣何蕭森來尋我心我心尋若有所思所思不

甌香館集卷十

七別下齋校本

可得奈何奈何兮伊人

浩浩濯我魄冷冷縈我思我思從中來繁音亂青絲繁音亂青絲青絲一何悲彼昏不知歡樂極兮奚疑

魚戲平沙尖紅香渚中蓮萼菜肥到根蘆花香上天星明燈殘妝亂如雨鐘沈風飛式歌且舞君但歌且舞西湖之水不能語

贈谷上人住西山

碧落舊仙臺天清法雁開紺樓雲自結丹果鳥銜來愛馬尋支遁談空得辨才看山還結伴頰向虎谿迴

桐陰雅奏圖

翠烟掩映雙鬢綠金徽頰按敲纖玉流波斜睨燕釵橫

寶鴻驚落高山曲花飄石井爐烟微調轉求風空自知
琴心欲倩誰人聽愁殺梧桐月上時

題山水

蕭散歷落荒荒寂寂有此山川無此筆墨運斤非巧規
矩獨拙非曰讓能聊得吾逸

畫竹詩和唐解元韻

唐解元畫竹題詩一林寒竹
護山家秋夜來聽雨似麻嘈
雜欲疑蠶上葉蕭疎更比蟹爬沙烏目王山人
畫竹得六如遺意並書詩句六如詩諧謔殊甚
余和詩故作莊語因王山人
畫竹意似嚴整不復相嘲耳

派衍湖洲有幾家倪迂自笑竹如麻誰能染得江湖影
風在烟梢月在沙

從來愛竹是王家墨雨如烟染白麻一片秋聲橫斷壑

甌香館集卷十

八 刷下齋校本

半江殘雨是平沙

古松萱草圖壽某母

紫霄點黛色碧磻發奇柯參天上百尋霜枝何嵯峨春
暉麗萱草翠莖耀金波知有雛鳳來羣鸞鳴相和靈妃
按節洪崖歌後來歲月何其多

摹一峯老人天池石壁圖

丹崖矗烟霄花潭下澄碧蒼茫灑靈雨冷風動松柏忽
見鴻濛開居然造化設弦琴振川林空翠滿四壁

松陰秋卉圖

黃鵝紫鳳舞舞霓裳耐得秋寒鬪曉妝一片怒濤雲五色
更疑巖電起扶桑

白燕

何處盧家舊畫梁，口銜飛絮過迴塘。將雛露下瓊裾溼，試舞花叢玉剪香。

失題

肯使虎頭稱畫聖，不容摩詰老詩壇。驅豪豈有愚公力，萬壑千崖掌上看。

亂石鳴泉

亂石鳴泉仿王孟端非黃鶴山樵也其斷不可消俟明眼者辨取

無雲石逾峭，得雨山更溼。叢叢青翠中，一片山濤白。

山中待友人不至

三秋不共故人歡，一日離羣握手難。黃葉空山無客到，

甌香館集卷十

九別下齋校本

白雲幽澗待君看，松門石響風泉急。蘿洞猿鳴夜雨寒，無那足音今尚杳。相思明月照闌干。

臨梁楷空烟無際

籟靜獨鶴鳴，花林送新趣。借問是何世，滄洲不可度。毫端浩蕩起靈烟，遮斷千峯萬峯路。此中鴻濛猶未開，仙人不見金銀臺。洽風古樹心悠哉，蒼羣鳥從空來。

新篁圖

石谷子補溪亭遠山并為潤色

琅玕雲外綠，解籜遍蒼茵。王猷曾獨往，吟嘯四無人。

王叔明作修竹遠山嘗稱文湖州暮靄橫看卷筆力不在郭熙之下於樹石間寫叢竹乃自其肺腑中流出不可以筆墨畦徑觀也南田此圖真能與古人把管同行但屬余點綴數筆欲如一峯黃鶴合作竹趣圖余筆不逮古何能使繪苑傳稱勝事耶丙寅臘月望後三日王翬識

題芍藥

凡畫花卉須極生動之致向背敲正烘日
迎風挹露各盡其變但覺清芬拂拂從紙
間寫出
乃佳耳

自有霓裳翻夜景又垂紅袖度春烟於今溱洧原無此
轉笑風人贈芍年

秋日在靜嘯軒寫高山圖

鮮雨洗蕙叢谷口無纖塵翡翠戲北牖麋鹿結南鄰絳
氣沈空霄白雲變昏晨松風過澗綠奔響趨龍鱗想見
桂樹閒猶有羲軒民

秋夜與若營兄閒話有懷東會因拈舊句屬余為

圖

草閣臨谿晚更清繞檐老樹集歸禽何時親煮雙團鳳

甌香館集卷十

十別下齋校本

相對明燈細論心

題畫

幼文筆致秀魯有逸趣在雲西丹邱
之閒石谷疑議神明直是後來居上

山亭空翠碧谿深靈氣能生靜者心竹雨松風何處聽
秋聲應不在瑤琴

仿荆谿清逸圖

口口居士向於商邱宋氏見荆溪
清逸圖真得蕭疎遠淡之趣予曾
見其臨本偶爾握管
未必有稍分應處也

昔年曾泛荆谿棹追想荆谿清逸圖竹樹一番閒點綴

未妨烟雨半模糊

題畫

清谿百轉荻花汀烟浦微茫似洞庭澗路雲收千樹出
芙蓉天半落空青

柳絲新漲覆漁磯
鎮日吟詩坐翠微
谿上白鷗來伴我
露華吹滿舊荷衣

漫將車馬過荒谿
開戶春深紫燕泥
桂樹自招空谷隱
桃花應笑武陵迷

橫塘漁艇

漁唱斜陽柳岸低
此中仙陌隱花谿
花時細認橫塘曲
猶恐重尋舊路迷

題石谷畫

全力也

石谷畫出宋入元筆思渾古觀其畫山
道染墨法沈厚卽此可見獅王搏象之

曉閣吟風得句遲
拙毫點石帶雲移
藤花細落香風起
簾捲山窗讀易時

甌香館集卷十

士別下齋校本

題畫

毫端開洞壑
研北走方壺
不著尋山屐
身居雲海圖
靈烟空際落
天籟靜中間
何必求瑤草
朝餐有白雲
成風揮意匠
神境合天工
萬吹紛綸處
潛歸慘澹中

病起空齋研思繪
理似有所得適原潔
以詩索和並爲之圖

落葉無聲響藥闌
秋深山氣著衣寒
如今學得雲林畫
不向巖阿賦考槃

與石谷同在玉峯
銷夏因憶南岳山
樓竹陰最深處
不禁神往

小隱空山隔世塵
綠陰黃鳥度谿濱
荒齋無計銷炎暑

遙羨山樓看竹人

靈邱

靈邱嵐霧曉含清墨雨淋漓洗翠莖吹罷鳳笙雲外聽
滿堂蕭颯起秋聲

黃梅天竹松枝合作

寒香晚翠朱實金英太和彫絳雪常盈仙人夜宴燭
樹宵明黃鶴醉舞獻千年觥

仿高尚書

青山白雲父白雲青山兒白雲終日倚青山不自知

仿李晞古

峯巒曲密松杉暗臺殿高低紫翠迷游騎到門清梵歇
甌香館集卷十

杉雞飛上樹頭啼

題畫

雲氣生毫端樹色落研北心手忽相忘誰知有筆墨

仿倪高士

竹邊雲岫影模糊剩水殘山想舊圖千古墨林稱逸品
米顛以後又倪迂

仿石田墨梧戲題

梧桐復梧桐根寄七絃中年抱明月葉葉怨秋風

村樂圖

百里西風禾黍香寒溝水落穀登場老牛粗了耕耘債
鬻草坡頭臥夕陽

題畫

深山昨夜雨初歇
曉烟未泮山猶溼
一片空濛香靄中
幽人獨向千峯入

遠山望去如橫黛
紅葉吹來似落花
最是圖中秋景好
霜毫能起赤城霞

天畔烟高霜樹開
崩灘濺瀑走雲隈
不知誰削蓮華翠
一片陰風入坐來

古木參雲山雨收
閒將筆法問丹邱
此中未覺天機遠
墨雨金池洗白鷗

題畫貓

偃草雄風勢壯哉
怒猊騰擲下蒼苔
於今社鼠應難捕
甌香館集卷十

三

別下齋校本

閒覩花陰蛺蝶來

聽泉小景

掩卷山堂恣夢游
驅毫忽聽澗泉流
不須更洗紅塵耳
只尺能藏物外幽

失題

忽望青山隱翠微
曉寒千樹白雲飛
香風吹遍西谿路
十里幽人雪滿衣

臨白石翁雨中蕉

最是桐窗夜臥邊
舞衣零落補寒烟
抽毫忽憶秋前夢
曾剪青羅覆鹿眠

題絳幘橫秋圖

金風不動草痕青
滅燭曾從枕畔聽
爲爾雄聲殘夜起
秋空零落半天星

寫大痴山偶題

石迹雲峯意象新
畫師吾自憶前身
誰知放筆淋漓處
嵐影蒼茫是富春

寫竹

深根藏器時寸寸
抱奇節荒翠無改移
故可傲冰雪

蠟梅天竹合景

香氣透窗櫺
吟詩醉未醒
黃雲初散處
隱隱漏春星
翠羽閃金英
寒香透石屏
醉吟殘夜看
點點是疎星

題畫

甌香館集卷十

直別下齋校本

人間何處覓丹邱
卻笑盧敖汗漫遊
一指殘烟開太華
不須九點拜齊州

梅月圖

天寒吹琪樹
幻出冰雪姿
虛庭落寒影
夜半月明時

水仙

玉面嬋娟小檀心
馥郁多盈盈
仙骨在端欲去凌波
豔落搖金粉
瓊漿冷玉房
珠姬洛川立
帶月舞霓裳

紅梅

春風上花枝
紅紫各自賦
勿言薄脂粉
適足表貞素

桃花紫燕圖

紫燕來時春已半
清明來放一枝看
紅桃蕊小東風急

早向春烟破曉寒

失題

愛他冰雪幹伴我虬龍枝離披一點墨千春無改移

桃花

武陵谿畔舊春烟帶露含風曉更妍不信漁人偏得路
看花空憶避秦年

見南田畫桃花偶錄舊句

吳縣

王

武勤中

去後重來訪碧山當時曾此狎雲鬢傷心流水依然
在況有飛花下急湍

薔薇

紅刺青莖巧樣妝連春接夏正芬芳新含麗色懸高架

甌香館集卷十

五

別下齋校本

密布清陰覆小堂

梅薔薇

冷風珠樹望瑤臺一片琪花映霧開何處霓裳度神女
朝雲都染墨香來

端陽景

榴火如珠艾葉長紅葵還似美人妝玉盤細切蒲根綠
浴罷蘭湯進羽觴

榴花

風亞珊瑚樹裏花白雲飄渺裹丹砂何年安石移來種
占斷江南春色奢

石楠萱草

神女爍電光一笑粲玉齒誰能解天醉自有金莖美
靈隱寺早起登嶺上眺望

空樓眺春霽遠島紅霞起山樹沒城烟湖雲落江水
策杖深松裏期雲半嶺稀路盤千澗上空翠濕人衣

題畫

如此谿山未可游泉聲不斷雨初收何時著屐觀雲海
直到丹梯最上頭

山明水碧暮春光苔壁雲生澗草香想見楞伽禪室內
坐聆松籟詠斜陽





甌香館集

張熊題籤

